


雲
豪

杜

故

事
譜



雲杜故事

易本煥撰

編主五雲王

編初成集書叢

種一他其及事故杜雲

中華民國二十五年十二月初版

祥

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

七〇五八上

集

雲杜故事

清 京山易本煊撰

儀徵阮文達公擘經室集有所藏秦漢六朝唐廿八名印記其公子常生釋注之第十四印曰王匡起兵綠林攻莽者注引漢書王莽傳事予輯京山金石志首載西漢三王城故碑可謂古矣然城碑久亡僅存目錄而王匡名印歷數千年猶流人間亦異事也惜不能就印數本耳予有歌記之

張卬新市人地皇三年與王匡朱鮪等共起兵號新市兵自稱將軍後屬漢兵更始卽位以卬爲衛尉大將軍入長安封淮陽王與王匡等輔政橫暴三輔赤眉西入關卬與王匡守河東爲鄧禹所破還奔長安欲掠城中轉攻所在東歸南陽更始不從卬等謀劫更始謀泄遂勒兵掠東西市戰于宮中更始大敗赤眉至高陵匡卬迎降之更始降赤眉卬與謝祿謀縊更始殺之

文獻通考
封建門

濟州金鄉縣發一古冢乃漢大司徒朱鮪墓石壁皆刻人物祭器樂架之屬

夢溪筆談

錢大昕潛研堂金石目錄有漢朱鮪石室畫象

劉宋元嘉二十二年新陽獲古鼎有篆書四十二字見宋書

符瑞志

新市之名六朝人詩文每用之如梁元帝縣名詩長陵新市北鄭衛好容儀鴛鴦賦魂上相思之樹文生新市之機張正見詩調鷹向新市彈雀往睢陽徐陵玉臺新詠序亦有潁川新市河閒觀津本號嬌娥曾

名巧笑。而庾子山集引用尤多。如哀江南賦。鬼火亂於平林。殤魂遊於新市。謝趙王賁絲布啓。遂令新市數錢。忽疑販綵。平陵月夜。驚聞搗衣。爲梁上黃侯世子與婦書。人非新市。何處尋家。倪璠注。皆謂漢江夏郡之南新市。梁之郢州。子山故國也。予案開府流寓江陵。或亦寄居新市邪。雲杜之名。引用者不多見。唯劉孝綽謝晉安餉米啓。氣苾新城。味芳雲杜。

元江陰王逢困學錄。

今刻入鮑氏叢書中

載米元章象贊及自序。並古詩一首。中有云。君不見顧長康。取媚桓溫圖。

九錫。我不愧孟浩然。緩策京山遇摩詰。按所載米元章象。乃楊儀之筆。詩中所謂君。蓋楊儀之也。全文甚多。不讀公詩。豈知孟公訪摩詰時。曾稅駕京山哉。古事湮沒。賴諸載籍以傳。是宜亟表而出之。

李肇國史補云。酒有郢之富水。李德裕詩。冰寒郢水醪。唐時京山。固產佳酒也。宋時京山。有酒課。有監酒稅官。其酒坊。有辨頓。北塞峪。南竹坡。小河。溫泉。三龍河。韓家井。子石底河。趙陂。橋蘇石田家寺。東橋大門。郭家林。上平坂。灤河。七里坂。長省山。溪五泉。北彭家龔家。西新市。五樂寶香。長峪。永隆李家。穴堤。湖斛陂。漩潭。下平坡。東十里。西十里。歸德石。激河。曹武陳家。太陽新市。甲子南彭家。楊家。北竹坡。倉峯。北陣子家。南十里。獨木橋。毛家。潼泉。鴈鳴刀梯山。永康。南塞峪。十八里。小富易家。杜家。上五泉。白土。豐谷。司馬。陡港。西潼泉。排港。十五泉。任家市。凡六十有八處。崇禎中志所載如此。自原富水郡志之文。吳志削去。錄之以見宋制。兼可攷證地名。

鄭工部文寶。將漕陝西。經畫靈武。後謫監郢州京山縣酒稅。過信陽軍白雪驛。作絕句。而湮沒莫有知者。

先君皇祐閒尉是邑。重書于碑。後亦亡。郢某工部詩集亦無之。曰得罪前朝出粉闌。五原功業有誰知。年餘放逐無人識。白雪關頭一望時。王得臣歷史

輝在上饒三四年。日從寓士遊。遍歷溪山奇勝。廖明略、徐師川、呂居仁、鄭顧道、曾宏甫諸公風流未遠。邦人類能道之。周輝清波雜志

舊志鄭士穎以滎陽貴族避難業於漢東。遂以文章爲京山開草昧。其登第之書。凡主司姓諱。試題策問。及籍世名字。幾閱四百年。而傳於天下者。以文文山、謝疊山、陸樞密、三公忠孝在耳。故自有科舉以來。文籍皆不可見。獨宋錄傳宋三百進士錄不見。獨朱晦庵之戊辰科與是科傳。迨嘉靖壬午歲汀州太守胥公文相始得其本于澄邁尹吳濟所刻之。以爲神物呵護。非偶然也。萬曆乙未守浙西道胡公世瑞再刻之。湖州並以是科同年錄增行。比重於商彝周鼎。以爲東南後進得是書而考鏡之。追配前人。則忠義之心生。今其書往往藏於人閒。觀士穎名字者。若有餘香。其所增託然也。吳志

江同祖過郢州京山縣。

按此係乾道六年江同祖爲湖廣總領所幹事。宜自鄂如襄時事。

晚抵村驛。驛人言鹿在前結寨。卽出觀之。彌望

可數里。巨鹿無數。四環成圍。以角外向。凡數十里。兩麓廕處中。勃跳嬉戲。民田相近者。悉遭蹂踐。獵戶雜沓其旁。云不可近。近輒觸。明旦始引去。獵人操弓矢戈矛追隨之。伺巨者行前稍遠。乃敢捕射其穉弱者。亦各有所獲而還。洪邁夷堅志丙

元統閒革去羣王內司。併入藝文監。時揭曼碩爲藝文監丞。寓居大都雙橋北程雪樓。承旨故廡。到閣中。

相去十數里之遙。楊瑞山居新語

中丞容齋徐公。建臺揚州。日確齋荀公。雪樓程公。倡和無虛日。盛如梓老學叢談

獻徵錄曰。建文時。姚善爲吳郡守。數造郡賢。訪求治道。隱士王賓。獨居陋巷。善徒步造門。稱名致禮。賓後報謁。但望門再拜而返。

明正統閒。勸民輸粟一千一十石。奏賜鹽書旌異。復其家二年者。有七寶郝從善。易謙。富水袁旻。高容。白楊黎汝賢。黎亨。子陵田思賢。呂府王鑑。至成化二年。知縣李清奉詔。勸出粟七百石。旌以冠帶。仍表其宅者。有子陵一里李瑄。皆好義樂施之士也。吳志

嚴解元誠。應正統甲子鄉試。江濱童謠云。白魚入船。嚴誠中解元。及誠赴試。有白魚躍入誠舟。舟人以童謠告。誠向同舟買此魚投江。是年。誠果首選。崑山葉盛水東日記。猶錄此事。吳志

翁學士方綱。詠成化七年二銅爵歌。序曰。瘦銅按瘦銅姓張名垣。買得銅爵二。足內款云。成化七年四月吉日。知

府黎永明置。予考之。是順德府學祭器也。黎永明。字光亨。湖廣京山人。景泰甲戌進士。其知順德。有中貴

恣橫。撻之數十。郡治前清風樓。爲永明建也。易鏡清二知齋筆記

王僉事希旦。成化丁未會試。出祖於村民吳必顯家。是夕夢與必顯同捷。寤而笑曰。鬼神侮我邪。及春榜放。有報者曰。君中三百五名。希旦往視之。三百五乃吳必顯也。不待終而去。道遇一人曰。君何往。告之故。其人曰。君何名。曰希旦。姓王氏。其人曰。君名在一百六十五。余卽吳必顯也。適亦有報。余居君名者。是以

知之乃相攜返驗良信。吳志

三女橋有崔公祠。弘治中有人自蜀中來遇姓崔人寓書一函曰余有宗人住京山三女橋幸爲達之其人既至取書置懷中就橋濯足忽昏眩假寐夢至一字甚潔飾老叟數人迎客極恭其人具以書呈少頃其人寤探懷中書無有矣。吳志

黎侍郎爽爲舉人久不第辛未前一歲與友人劉忠同車北上臥邸中夢至一官寺劉坐庭上而已執弟子禮立階前甚肅覺而怪之時翰林貴僚亦有與劉同姓名者黎私計曰若得此君在校文之列吾必捷既入京師探入簾人有劉姓者黎大喜果登第。章志按正德辛未會試考官

屈縣丞亨解康節梅花數爲諸生時以此署名正德中山東大盜劉六劉七齊彥名輩自北方來已達應山逼近縣境有就亨叩者詞畢倚屋柱而立亨曰無憂以人倚木休字也後賊果敗去他類此十可得七八章

夏舉人寵居里日於庭前築臺覆以小亭榜曰斗南書屋題詩壁閒曰小臺孤出一城中八面牕開面面風坐與青山對終夕看雲無事過晴空又於臺面書小詞曰這宮牆人問是誰家好箇清幽避卻諠譁有蔭陌垂楊吟風翠竹笑日桃花琴響處雙雙白鶴鼎開時一片紅霞總是東君風月襟懷詩酒生涯有監司見而悅之直造亭上與寵劇談終日癸未會試以高第自期已而失意南歸于舟中得降乩法抵家遂大作之乩每至輒以呂純陽諸仙人自居作詩多好句嘗書曰書屋字不佳尸至之像也可改書室最後

以詩別寵曰。孤身直至三千里。一鶴飛來九萬重。寄與斗南書室主。相思盡在月明中。自是不復至。識者

疑其語不詳。明年寵卒。章志

王方伯池塘。嘉靖丁未之春。虹飲于塘。王光祿是科成進士。因號虹塘。後爲御史。吳志

高兵部啓嘉靖丙辰。赴會試。父節於除夕張燭神座間。忽有蟾子百餘行繞。是年啓擢第。章志

黎樵莊峻。過高鹿坡先生墓詩。注云。先生文集。督兵部。其弟啓夫人某行。

嘉靖戊午歲中。有人夢六雁自蘄州飛入學宮。莫曉所謂。比秋省榜。縣得六人。始解其故。蓋前此乙卯。蘄

之捷者六人。至是蘄減其一。而縣如數。是六雁之應也。章志

明詩紀事曰。李維楨。海內謁文者如市。洪裁綺製。搖筆揮灑。謹案淵鑒類函卷一百九十六所輯偶句。以

盤金如山。劉禹錫祭韓吏部文謁文成市。作對大泌。竟配古人。作故實矣。

閻若璩移寓雜興贈陳子壽先生詩。溫玉孤亭更在東。秦人留得楚人風。自注亭爲京山李宗伯本寧出宦時所構百年片石

苔花滿。可語還推大泌翁。潛邱札記

葉向高序雲夢鄒觀光集云。明興。京山。齊安。下雉。皆翹然者。然猶未足以折海內之心。而奪其氣。至近日

而雲杜。江夏輩。二三君子。始長楚矣。按所稱京山。謂王太僕也。齊安。謂黃岡王廷陳也。下雉。謂興國吳國

倫也。雲杜。謂李大泌也。江夏。謂郭正域也。當時之品評如此。

秀水縣項墨池家白玉觥。是漢代物。其形如罍。三足有蓋。足蓋上並刻鬼面。旁有環肉好。停勻。滿身絕細。

臥蠶紋爲楚人夏崇謙以千金買之而去。錢希言繪圖

閻若璩與劉超宗書初聞郝氏有九經也。自爾公始。既聞于皇。述其初受知大泌山人事。頗妙。每欲筆之書。未果也。其歷官最奇。始授給事中。卽降外。凡三四處縣令。終南京中書舍人。此參考履歷及五十六家序而後得者。潛邸札記

正域出爲南京祭酒。李成梁孫。以都督就婚魏國徐宏基家。騎過文廟門。學錄李維極執而扶之。李氏蒼頭數十人。踢邸門。宏基亦至。正域曰。今天子尙皮弁拜先聖。人臣乃走馬廟門外乎。且公侯子弟入學習禮。亦國子生耳。學錄非扶都督也。合交相謝而罷。王鴻緒明史稿郭正域傳

陳解元良心。中萬曆壬午第一。未放榜日。邑中有問乩者。乩書一詩曰。今年解元在耳東。正案科舉一場空。時人莫笑斜目子。一點良心照月宮。榜放乃陳良心。以遺才第四中解元。章志

萬曆丁酉。胡機鄉試。其卷主司欲擲之。夢其弟云。哥哥中我。蓋主司之弟。以高才早卒。說者謂機其轉世云。吳志

田有穎。字肖儒。導養辟穀。幾三十年。以靜中能悟。言事多奇。時萬曆戊午。有人問今年鄉試何人應捷。田答云。上科鄉試。王康之乃遺才。今年自應正案。及榜發捷者。乃鄭友玄晏善成也。吳志

鄭友玄過荆門。坐蒙惠泉閒。三日乃去。舒成龍荆門州志雜識

孝感夏偉借山筆記云。西湖于忠肅公祠。在其墓前。祠有求夢所。頗奇驗。癸未春。予與京山楊客有文薦。

同客湖上。客有乞夢于祠。公爲舉杜句云。伯仲之間見伊呂。指揮若定失蕭曹。詰旦客有大喜。走告予。謂蒙讚矣。迨後四年。而客有起兵章貢。力屈死。予聞之。因理前夢。爲誦本詩結句。運移漢祚終難復。志決身殲軍務勞。泫然曰。公作鄭五告之矣。吳志

京山楊文薦西湖竹枝詞。殘夢驚心睡起遲。春晴春雨惱花枝。畫樓無限傷心事。都在湖邊十二時。李衛

志案此詩蓋南都已覆。公由浙入閩時所作也。公所著聽湘集久佚。其僅存者。吳志載詩二首。及此耳。忠義之士。筆愈少。愈可寶也。

曾子固和張伯常峴山亭晚起云。已下畊桑臨富水。暫拋魚鳥去伊川。按張伯常隱居郢中有漢上茅屋。不在京山。其言臨富水者。指郡名耳。富水在京山不得言臨。然見于宋人詩者止此。

縣改京山始隋。以境內京山得名。攷山名同者。先見于山海經。曰京山有元礪是也。近時婁縣馮祝一稷

居詩稿中有京山新闢書軒一題。則此京山未詳何處。又朝鮮人朴齊家貞蕤稿略。以上二集俱刻入吳省蘭藝海珠塵有

九層洞同京山李文漢鎮一題。是彼國州縣。亦有名京山者。攷朝鮮志有江陵府光州忠州黃州海州江

寧府襄陽府。悉襲內地名目。則京山亦或採中華佳名也。

海寧縣衙門相傳有一女妖。豔冶動人。其去來出自古井。時秦君嘉系爲令。女常遊戲左右。或夜坐披閱

文卷。輒爲磨墨。亦不以爲意。一夕語令曰。公將陞任。不能久侍矣。未幾遷職去。董含尊鄉贊筆

世傳熊鍾陵四方之政行焉。制藝乃王樸園太史之作。借刻熊名者。予檢太史文稿果然。第非全文耳。太

史稿多典麗風華之篇。

康熙中邑有老儒郝子俊者赴提學試有一貧生傲寓郝旅之東廂誦聲達旦諸徒厭之生請辭郝慰留之叩其姓氏則荆門胡公作梅也郝見其器宇非凡索近藝一點畢評其尾曰文有臺閣氣象惜後路少弱官至侍郎而止後胡公果官終少宗伯郝先生之鑒亦神矣哉

康熙己丑五月邑南五十里白雲庵前王姓家烏犍牧放童聞空際二三里外閃閃有聲仰視一大鳥自南來翅大如箕長丈餘驟集犍背爪之童駭歸擊鉦驅之不去然火銃傷鳥左翅縛歸數日斃余往視之鵬也譚之琥鈴雅

虎爪山旁有石湫小穴一龍潛處其中一歲暴風雨龍出于山南四十里外拔樹折木畢致諸物寘於山頂虎爪石上黍粟麥豆成塊甕壺升斗盃盞亦能使飛走止集石上又甕腹巨頸細壺腰大項細而甕中有升斗壺底有盃盞不知何以得入也譚之琥鈴雅

袁天祐京山人四年前登高墜地筋骨損傷遂匍匐乞食見一人飄然來目之曰爾有夙孽應遭此厄幸與我遇授藥一刀圭服之陡覺四肢通利步履如常衆跡其人不得詫爲仙乾隆庚子五月事秋鑑叢話

京山富水村西石泉山窟中相傳龍潛其下常興雲霧有周翁者求雨屢驗人傳翁爲素習正法能致雷聲有雷公之號一日語其徒曰洞有孽龍將降之可持吾令牌候洞口俟予手出即付勿誤周入洞聞搏擊聲逾時有手伸出大如箕毛茸茸然徒駭極牌墮地俄有聲如千萬軍馬水勢洶洶自洞湧出龍已騰空起翁不知所往矣土人德而哀之建廟設祭額曰雷公廟龍去後洞口宏開人以老龍洞稱焉秋鑑叢話

乾隆二十五年庚辰恩科有人卜乩判三陽開泰四字。悉不解。是科先大父獲雋。乃悟乩語之妙。先大父諱履泰。蓋自壬申恩科。京山中彭公時泰。孫公名泰。次年癸酉。中楊公廷琇。丙子己卯。邑無登賢書者。至是先祖始中。楊公已捷春闈。三公名同一字。陽又隱楊。其妙驗如此。

秀水鄭虎臣。存松閣集。有題京山熊觀察繹祖公餘行樂圖七首。曰曲江觀魚。曰梅嶺賞雪。曰書堂讀易。曰韶石彈琴。曰南軒習射。曰九成臨帖。曰愛蓮閣。

道光戊戌。重建文廟。殿基中掘出大石一方。廣五尺許。上琢麒麟。如唐昭陵六馬之式。不知何代物。人咸以爲文明之祥。時新造校士館。遂移嵌于館堂之東軒影壁。名曰麒麟石。

舊志載邑中耆壽。如鄒傑九十餘。王格九十四。桂仕榮九十八。壽民有程伯休九十六。壽婦有方伯慶妻董氏九十九。朱聰妻王氏九十七。唯富水民易繩佑妻包氏一百一歲。此爲僅見。

國朝耆壽。有熊東山觀察。年九十二。五世同堂。及見元孫。此爲盛事。壽民則有王明燭。於乾隆丙申年已百齡。後不知享年若何。近則有官橋劉元者。於道光丙午。實年百有一歲。

鄒公克昌。雍正丁未進士。聶家灘人。其後裔遷居潛江。有庠生鄒官者。其妻朱氏。節婦也。載通志。又載有鄒宦者。妻朱氏。亦節婦。是鄒官兄弟俱有節婦。公之後光矣。

明崇禎十年。常熟令爲鄒守常。貪墨吏也。到任四月。民卽起而噪之。時閭邑士大夫。頗不直鄒。相率詣郡城。以民情達撫軍。撫軍曰。令雖不善。但到任百餘日而卽噪之。百姓無乃已甚乎。時首座爲錢公謙益。次

卽陳公必謙錢聞撫軍言語塞無以對陳獨慷慨進曰休說百姓已甚京山楊父母在任九載百姓亦何嘗鼓噪來撫軍善其言遂左遷鄒令去京山楊父母者謂前令楊公鼎熙也蓋自崇禎元年到任至九年始去云

陝山王東淑應奎柳南隨筆卷三

吾邑黃公鉞以給事中家居靖難師起蘇州府知府姚善方起兵勤王不幸爲麾下所縛竟致身死公故與姚相善聞善歿卽具朝服投琴川橋下死邑志及先賢事略所載悉同而明人病逸漫記則云永樂初徵赴京師至半途投水自溺誤也

同上條男崇莊謹補



譜

豪

輯勳承高

本館據續知不足齋
叢書本排印初編各
叢書僅有此本